


清代漕運全書

(清) 載齡等修纂



北京圖書館出版社

清代漕運全書



6

北京圖書館出版社

(清)載齡等纂修

第六冊

欽定戶部漕運全書(六)

截撥事例	一
截留撥運	三
截撥賑糶	一一
截撥充餉	一七三
撥船事例	一八三
外河撥船	一八五
裏河撥船	三一五
採買搭運	三三九
採運米石	三四一
倉糧運通	三九五

採運麥豆	四〇九
奉豆奉米	四三五
碾動薊穀	四五七
捐輸米石	四五九
奏銷考成	四八七
催徵考成	四八九
倉糧參限	五一七
漕糧參限	五三一
隨漕參限	五三五
運糧完欠	五五一
倉漕奏銷	五七三
倉庫盤查	五九七
輓運失防	六一九
風火事故	六二一
掛欠處分	七二一

欽定戶部漕運全書卷七十目錄

截撥事例

截留撥運

--	--	--	--	--	--	--	--	--	--

截畱撥運

一直隸良鄉等處歲需兵米一萬一千三百石
奏明在豫東二省截存薊糧內撥給本年因東
省輪免漕糧先令豫省代運除撥運天津等處
兵米外不敷米石准動支節年倉存薊米并動
碾薊穀湊運

嘉慶元年

一直隸良鄉等八處駐防歲需兵米奏准於嘉
慶三年春季起令豫東二省各半分運山東省
嘉慶二年冬間應需兌運兵米先儘新徵薊米

照數撥運如有不敷卽在存貯薊米內找撥

嘉慶

二年

一湖南省漕糧奏明截留湖北二十萬石嗣因湖北歲需兵耗等米一十三萬四千七百餘石全數運北現存南省米六萬五千二百餘石及截存帶徵正耗米二萬二千餘石除支給各漕船月糧外餘存一併撥入苗疆兵糧項下動用

嘉慶三年

一山東省嘉慶三年曹汎漫口曹單等十州縣

被淹成災奏准截留漕糧在於江西最後之安
福等九幫漕船內截撥米四十萬石兌交各船
支剩餘米就近變糶

嘉慶三年

一直隸固安寶坻二縣駐防兵丁每歲需用米
各一千一百五十石向例領價採買嘉慶三年
奏准嗣後照良鄉等處駐防兵米在於餘剩薊
糧項下照數撥給固安距天津較近赴天津兌
運寶坻應領米石俟漕船行抵北運河附近該
縣水次兌領

一江西省漕糧截留山東各船有運交通毛竹
一項責令帶回另辦好竹明歲帶運赴通交納
又漕糧截留餘米作正交倉本年有贛州幫旗
丁俞張蔡失風虧折米石於下運搭解運通交

卸

嘉慶三年

一山東省曹單等處被災奏准截留本省漕糧
米豆二十七萬七千餘石戶部議漕豆十三萬
石此次接賑如無須添用卽同額撥麥石一併
搭解運通以備支放

嘉慶三年

一豫東二省撥運良鄉等處駐防兵米各添雇
船十三隻戶部按米覈算減雇一隻所有給過
行月銀米追還原款其豫省領雇船隻派令額
船較少之通天二幫承運之處行令查照密雲
兵米之例分派各幫帶運以歸畫一

嘉慶三年

一楚北有防堵兵勇川陝兵食亦須接濟均當

寬爲籌備若四路採買辦運轉致多糜腳費且

恐市價增昂有妨民食奏准截留湖北省漕糧

六萬石以備軍糈

嘉慶三年

一豫省睢州等九廳州縣應行撫恤賑濟口糧
據該撫奏明截畱米豆一十二萬七千九十六

石零

嘉慶三年

一嘉慶五年湖廣總督倭什布等奏湖北鄖宜
兩處防邊兵勇應支食米必須寬爲籌備請於
本年起運漕糧內截畱六萬石奉

上諭漕糧乃國家正供若外省動議截畱倘京城缺少
米石關係甚重况外省尚可於隣境採買京師則更
無採買之處第念防邊兵勇尙有應支食米著加恩

准其截留二萬石以備接濟若別省並無防邊要務
似此竇請斷不准行等因欽此

一徐州府屬之蕭碭等縣衛被災撥給銀兩散
賑嗣因邵家壩興工夫役雲集糧價增昂災黎
買食維艱奏請將銅山等州縣漕米約共四萬
餘石截留搭放本色卽於前撥賑銀內扣存報

撥

嘉慶五年

一每年派撥薊易等處米石係按平米分派截
撥今正兌項下原備篩颺耗米奏明扣給旗丁

一升七合六抄及二升七合六抄其撥運薊易等處項下給丁餉賜耗米准另用正項米抵補

嘉慶五年

一直隸省嘉慶六年被水較廣截畱漕米六十萬石分貯鄭家口泊頭天津北倉三處所有天津截畱之米舊例截四存六所存米石尙須抵壩交卸有需時日此次儘在後之江廣船隻整幫截卸俾空船及早南下

嘉慶六年

一漕運總督奏江廣七幫在楊村截撥照例令

旗丁貼給經紀運送囤貯其浙江尾後八幫請
照江廣之例一體截卸以期迅速奉

上諭鐵保奏楊村截卸事宜一摺其露囤一節殊非善

策莫若仍將米石撥運到壩方屬正辦著悉心籌畫
妥協經理等因欽此嗣據該督先後覆奏江廣七幫
米石在天津北倉截卸交經紀接運浙江尾後八
幫旗丁情愿自用撥船或另雇民船撥運俾大船
及早回空不必另行露囤

嘉慶六年

一嘉慶六年七月漕運總督鐵保奏准湖北江

西在後七幫在楊村全行起撥將來運壩照依
向例由旗丁將飯米撥價全給經紀每百石加
幫貼銀二兩米二石外再加幫貼銀五錢

一江西鉛山等四幫在北倉截撥一切撥價飯
米全數貼給經紀照例先在通濟庫項下撥給
共銀二萬一千九百餘兩應於該四幫船扣解
議將每船新漕調劑半耗並向領脚耗斛面等
三項米石以一兩九錢折變共得銀八千一百
餘兩又江西本年截留鄭家口泊頭兩處幫船

奏加米石令州縣一體扣存折變解道以抵庫
款可得銀六千餘兩計兩項共得銀一萬四千
一百餘兩不敷銀七千八百餘兩在鉛山等四
幫冬運錢糧內扣銀三千兩其餘銀兩令江西
於道庫閒款內暫行湊還仍於該四幫來年米
折項下全數歸款

嘉慶六年

一湖北省軍糧緊要奏准將嘉慶六年帶徵漕
米四萬七千八百餘石截畱以充軍實
一嘉慶八年冬間恭逢奉安

孝淑皇后梓宮暨

妃園寢添設官役應需本年冬季并嘉慶九年春
夏二季俸餉米一萬一千二百一十石若照向
例截撥漕糧均於次年五六月間始能運到未
免緩不濟急奏准於通倉米內動撥如有盈餘
於下年截撥數目抵扣其應需運脚銀兩赴司
具領事竣報銷

一豫省每年必須撥運保雄密雲良鄉固寶等
處米二萬七千七百四十二石七斗七升二合